

ՔԱԶՄԱՎԱՍՏԱԿ ՀԱՅԱԳԵՏԸ

(Ասատուր Մնացականյանի ծննդյան 70-ամյակի առթիվ)

Լրացավ անվանի հայագետ, Մաշտոցի անվան մատենադարանի մատենագիտության և մանրանկարչության բաժնի վարիչ, պատմական գիտությունների դոկտոր Ասատուր Շմավոնի Մնացականյանի ծննդյան 70-ամյակը:

Ա. Մնացականյանը ծնվել է 1912 թ. հուլիսի 11-ին, Աշտարակի շրջանի նախկին Ղզըլթամուր (այժմ Ոսկեվաղ) գյուղում, հուլազոր-ալգե-գործի ընտանիքում: Սովորել է նախ հայրենի գյուղի տարրական, Օշականի յոթնամյա դըպրոցներում, ապա միջնակարգ կրթությունը շառուռական Վաղարշապատի (այժմ Էջմիածին) գյուղատնտեսական տեխնիկումում: Տեխնիկումն ավարտելուց հետո Աս. Մնացականյանն ագրո-տեխնիկի պաշտոնով որոշ ժամանակ աշխատել է Վաղարշապատի, Սարգարապատի (այժմ Հոկտեմբերյան), Ղարաբեյլիսայի (այժմ Կիրովական) և Թալինի շրջաններում: 1933 թ. ընդունվել է Թբիլիսիի գյուղատնտեսական ինստիտուտը և ավարտել 1939 թ.: 1934—1935 թթ. դրադվել է մանկավարժական աշխատանքով՝ Վրաստանի Մալկայի շրջանում: Աս. Մնացականյանի գրական գործունեությունը սկսվում է բանաստեղծությունների գրելով: 1930-ական թվականների սկզբներից նա բանաստեղծություններ է տպագրում մամուլում, հետագայում նաև առանձին գրքուկներով՝ Ասատուր Շեմս գրական մականվամբ (կնքված՝ Գ. Մահարու կողմից):

1940 թ. Աս. Մնացականյանը Թբիլիսիից վերադառնում է Երևան, աշխատանքի անցնում Մատենադարանում և իր կյանքն ու հետագա գիտակցական ողջ գործունեությունն առմիշտ կապում այդ նշանավոր գիտական հաստատություն հետ: 1942 թ. մեկնում է բանակ, մասնակցում Հայրենական մեծ պատերազմին, ճաշակում պատերազմի բոլոր դառնությունները, 1945-ին զորացրվում, վերադառնում Երևան և շարունակում իր սիրած գործը Մատենադարանում: Չունենալով բանասիրական ու պատմագիտական համապատասխան կրթություն, Աս. Մնացականյանը մասնագիտական այդ թերին լրացնում է համառ աշխատասիրությամբ

և հայագիտության նկատմամբ ունեցած իր անձնագրի նվիրումով: Եվ այս զույգ հատկանիշների օրգանական համագործունեություն էլ հենց սկզբից դառնում է Աս. Մնացականյանի գիտ-



նականի դիմորոշ գիժը, որն այնուհետև արդյունավորվում է հայագիտական անհերքելի արժեքներով:

Աս. Մնացականյանը միջնադարագետ է բառի ընդարձակ և թազմակողմանի առումներով: Նա ձեռագրագետ-մատենագետ է, աղբյուրագետ-տեքստաբան, հին գրականության, արվեստի, նյութական և հոգևոր մշակութի պատմության պատմաբան, բանասիրական ու պատմաազգագրական առանձին խնդիրների հետազոտող: Նրա գրքին են պատկանում շուրջ 200 մեծ ու փոքր, տպագրի ու անտիպ աշխատություններ, որոնք բնութով կարելի է բաժանել հետևյալ խմբերի մեջ. 1. մատենագիտական-ձեռագրագիտական աշխատություններ, 2. տեքստաբանական աշխատություններ և գրապատմական ուսումնասիրություններ, 3. պատմաազգագրական-արվեստաբանական հետազոտություններ, 4. պատմաբանասիրական-աղբյուրագիտական ուսումնասիրություններ: Միջնա-

դարյան ձեռնագրերի մատենագիտությունն ու ձեռագրագիտությունն առհասարակ Աս. Մնացականյանի գիտական շահագրգռությունների բուն տարերքն են կազմում, որ ուղեկցել է գիտնականին Մատենադարանում աշխատելու առաջին իսկ օրերից մինչև այժմ: 1941—1942 թթ. նա կազմում է «Շալ միջնադարյան բանաստեղծություն» (ըստ Մատենադարանի ձեռագրական տրվյալների), 1959-ին՝ «Միջնադարյան հայ մանրանկարչության ուղեցույցը» (ձեռագրերի մայր ցուցակի համար): Նրա ղեկավարած բաժնում է կազմվում և իր ու ակադ. Լ. Խաչիկյանի կողմից խմբագրվում, հրատարակվում երկհատոր համառոտ «Ցուցակ ձեռագրաց» (1965, 1970 թթ.), որը Մատենադարանի ամբողջ ձեռագրական ժառանգության Նկարագրության առաջին փորձն է և զալիքում հրատարակվելիք ընդարձակ մայր ձեռագրացուցակի յուրատեսակ նախատիպը: Բայց Աս. Մնացականյանի գիտական մտահղարման գլուխգործոցը «Մայր ցուցակ ձեռագրաց» ընթացիկ բազմահատոր աշխատությունն է, որի գիտական կրթող նախանձախնդրը, նախաձեռնող-նախագծողն ու գիտական ղեկավարը ինքն է: «Մայր ցուցակն» ընդգրկելու է Մատենադարանի հայերեն ձեռագրական ողջ ժառանգության մանրամասն պատկերը, բոլոր նյութ-միավորների նկարագրությամբ, հիշատակարանների լրիվ մեջբերումներով, խաչձև ցանկերով և ընդհանուր տեղեկություններով: Շուրջ 25 տարի է, ինչ Աս. Մնացականյանը զբաղված է «Մայր ցուցակ ձեռագրաց» նախապատրաստման, ղեկավարման ու խմբագրման աշխատանքներով: Արդեն կազմվել է ձեռագրացուցակի հինգ հատոր, որոնցից առաջինը գտնվում է տպագրության մեջ, իսկ մյուսները խմբագրվել կամ խմբագրվում են: «Մայր ցուցակ ձեռագրացն» իր գիտական ընդհանուր արժեքով հայագիտության հիմնարար և ամենամասյուն երկերից մեկն է լինելու:

Աս. Մնացականյանը մեծ ներդրում ունի միջնադարյան բանաստեղծների ամբողջական երկերի, գրական ու բանահյուսական հուշարձանների բաղադրական բնագրերի կազմման, հրապարակման և հետազոտության ասպարեզում: Այս ընդլիքի նրա տպագրած ու անտիպ գրքերի թիվը հասնում է մոտ մեկուկես տասնյակի: Նրա կողմից միջնադարյան բանաստեղծներից ամբողջական հրատարակության և հետազոտության են արժանացել Նազաշ Լույսաբանը (1951 թ.), Պաղգասար դպիրը (1958 թ., երկուսն էլ Շ. Նազարյանի աշ-

խատակցությամբ), Գրիգոր Տղան (1972 թ.): Միջնադարյան ձեռագրերից, տպագիր աղբյուրներից Աս. Մնացականյանը քաղել, բաղադրել, ծանոթագրել ու հետազոտել է հայ միջնադարյան ժողովրդական ու անանուն հեղինակների ժողովրդականացած երգերը («Շալական միջնադարյան ժողովրդական երգեր», 1956 թ.), միջնադարյան հեղինակների հանելուկները («Շալ միջնադարյան հանելուկներ», 1980 թ.), միջնադարյան ժողովրդական քնարերգության ամենագողտրիկ նմուշների՝ հայերենների ամբողջական ժառանգությունը (անտիպ), V—XVIII դդ. հայ բանաստեղծության ստվարածավալ հատընտիրը (տակավյին անավարտ և անտիպ): Նա կազմել է և հրատարակել Շալ գրականության քրեստոմատիան (1970 թ., 8-րդ դասարանի համար), հայ գրականության ֆրանսերեն անթոլոգիայում զետեղել սկզբից մինչև XVIII դ. հայ բանահյուսության ու գրականության նմուշները, զբղ Շալ գրականությունը 9—18-րդ դարերում, պատմական ակնարկը («Շալ ժող. պատմություն», հ. III, IV), «Նախաբայվանական շրջանի հայ գրականությունը» մենագրությունը (անտիպ) և մանանակը «Աղվանից աշխարհի գրականության հարցերի շուրջը» աշխատությունը (1968, 1969 թթ.): Հայերեն և ռուսերեն լեզուներով, ուր լուսաբանվում են հայ-աղվանական գրական և հատկապես պատմական առնչությունների մի շարք կենտոնախնդիրներ:

Աս. Մնացականյանի գիտական շահագրգռությունների հաջորդ ոլորտը հայ հին և միջնադարյան արվեստն է, մասնավորապես զարդարվեստը: Նրկար տարիներ գլխավորելով Մատենադարանի մատենագիտության և մանրանկարչության բաժինը, ուր կատարվել են հայ մանրանկարչության արժեքավոր հետազոտություններ ու հրապարակումներ, Աս. Մնացականյանն աճամբ խորամուկ է եղել մանրանկարչության և առհասարակ հայկական զարդարվեստի մոտիվների ծագման, դրանց հնագույն գաղափարաբանության, իմաստավորված ազգագրական, առասպելաբանական հասկացությունների և ընկալումների լուսաբանման մեջ և իր տարիների որոնումները մարմնավորել մի քանի ուշագրավ աշխատություններում: Պատմաազգագրական առանձնակի արժեք ունի նրա «Շալական զարդարվեստ» մեծածավալ հետազոտությունը (1955 թ.), ուր պատմական, ազգագրական, բանահյուսական, լեզվաբարբառային փաստերի համադրումներով նա լուսաբանում է հայկական զարդամոտիվների ծագման, կիրառության և գաղափարական բովանդակության նախահիմքերը: Այս աշխա-

ստություններ հետադադարում (1963 թ.) Աս. Մնացականյանը պաշտպանեց որպեսզի գոկտոբրական դիմերտացիան Նուրն մեթոդով է նա հետադուրում նաև եղջերվի մոտիվները հայ արվեստում (Երիցարանական եղջերուն) և հանդում ուղադրավ հետևություններին Առանձնակի ուղադրության է արժանի նրա «Աղթամարի որմնաքանդակների նոր մեկնարանություն» անտիպ աշխատությունը, ուր հին փաստերի ու տվյալների նորոգ քննություններով նա նորովի է մեկնարանում հայ միջնադարյան ճարտարապետության այդ նշանավոր հուշարձանի բարձրաքանդակների ծագումնաբանական արմատները և կուլտուր-պատմական իմաստն ու արժեքն առհասարակ:

Աս. Մնացականյանը ոչ միայն հետադուրող գիտնական է, այլև գիտական կադրերի հոգատար ղեկավար և ուսուցիչ: Նրա գիտական ղեկավարությունամբ մի խումբ ասպիրանտներ և բաժնի գիտաշխատողներ դարձել են հայ միջնադարյան գրականության և պատմության մասնագիտությամբ գիտությունների թեկնածուներ:

Աս. Մնացականյանը միջնադարագետ է բնավ ոչ ինքնուրուք և օրվա գիտական հրատապ խնդիրներին կտրված լինելու առումով, նա միշտ

միջամուխ է ու մասնակից հայագիտության այսօրվա այրող ու հրատապ խնդիրներին, օժտված է կրթող բանավիճողի զարմանալի ունակությամբ, գիտության՝ իրեն շահագրգռող յուրաքանչյուր բնագավառում վիճելի ամեն մի տեսակետի անմիջական արձագանքով: Նա մարտնչող գիտնական է, ահտիվ հայրենասեր ու քաղաքացի, հատկանիշներ, որոնք արդյունավորվել են բանասիրական-բանավիճային բնույթի բազմաթիվ մասն ու մեծ հետազոտություններով: Ու թեպետ այդ բանավեճերում հանդիպում են որոշ վիճելի, անգամ անընդունելի տեսակետներ, սակայն դրանք բնավ չեն նսեմացնում Աս. Մնացականյանի գիտական այն մեծ դրական վաստակը, որը սովետական հայագիտության անուբանալի նվաճումներին է:

Միայն մեծ է ցանկալ բազմավաստակ գիտնականին քաջաոգոջություն, եռանդ ու կորով գիտական իր մեծ ծրագրերն ամբողջացնելու և հայագիտությունը նոր արդասիրքներով հարըտացնելու իր նվիրական ճանապարհին:

ՍԱՐԳԻՍ ՀԱՐՈՒԹՅՈՒՆՅԱՆ
Բանասիրական գիտությունների քննադատ